



Publicaziuns dalla vischnaunca, jamna 15

Cussegl da vischnaunca

Il cussegl da vischnaunca seraduna **venderdis, ils 11 d'avrel 2014**, allas 2015 uras en casa communal.

Tractandas:

1. Protocols nr. 9- e 10-2013/2016
2. Colligaziun dil traffic Sedrun–Caschinutta cun il tunnel da via digl Alpsu: Moziun (moziun nr. 2-2013/2016)
3. Embellaziun, signalisaziun ed informaziun (messadi nr. 11-2013/2016)
4. Ura da damondas (conform ad art. 44 dil regulativ da fatschentas)

Il president dil cussegl da vischnaunca

www.disentis.ch – Nova pagina d'internet

La vischnaunca da Mustér ha ina nova pagina d'internet. Sper ina nova cumparsa ei la pagina vegnida adattada allas pretensiuns d'ozildi concernent navigaziun, survetschs e manteniment. Ina versiun per navigar sin la pagina cun telefonins ei era vegnida creada. Plinavon ei la previsiun dall'aura la medema sco tier l'interessenza turistica. In'otra migliur ei la pli surveseivla applicaziun per empustar las cartas dil di per viagiar culs mieds da traffic publics.

Novissimamein vegn publicau sut «Vischnaunca – Portret – Nums locals» la gronda collecziun da nums locals da pader Ambros Widmer. La collecziun da varga 3000 nums locals (incl. descripziun detagliada) ei in deletg da contemplar, pertgei cun agid da Google earth han ins l'impressiun da sgular sul territori dalla vischnaunca. Propostas per adattaziuns e cumpletaziuns san vegnir fatgas directamein ord l'applicaziun electronica ni per corrispondenza.

Administraziun communal

Controlla da habitonts

Naschientscha

Devin Müller, naschius ils 2 d'avrel 2014, fegl da Priska Müller ed Armin Manetsch.

Uniu samaritana Mustér

Nies proxim exercezi meinsil ha liug **gliendisdis, ils 14 d'avrel 2014** allas 19.30 en casa da scola, Cons. A stedia participaziun envida

Producziuns finalas

Movis – Moviment e Sault

Las 11 gruppas d'affons, giuventetgna e carschi da Mustér e las vischnauncas vischinontas presentan lur coreografias ch'ellas han exercitau duront igl onn da sault 2013/14.

Cu? Venderdis, ils 11-4-2014, allas 20.00 sonda, ils 12-4-2014, allas 14.00 e 20.00 dumengia, ils 13-4-2014, allas 14.00

Nua? Halla Cons, Mustér



Tanzaufführung Movis

Die 11 Kinder-, Jugend- und Erwachsenengruppen von Disentis und Umgebung präsentieren ihre Choreografien, die sie während des Tanzjahres 2013/14 einstudiert haben.

Wann? Freitag, 11.4.2014, um 20.00 Uhr Samstag, 12.4.2014, um 14.00 und 20.00 Uhr Sonntag, 13.4.2014, um 14.00 Uhr

Wo? Halle Cons, Disentis

Sin Vossa viseta selegran
ils Movis

Corporaziun d'aua Spina da vin

Invit alla radunonza generala dalla Corporaziun d'aua Spina da vin 2014, mardis Pastgas, ils 22 d'avrel 2014 allas 20.15, hotel Sax, Disentis/Mustér

Tractandas

1. Beinvegni
2. Elecziun da dus dumbravuschs
3. Protocol, approbaziun
4. Rapport dil president
5. Rendaquen, rapport dils revisurs e dar scarica
6. Projects novs
7. Preventiv e program da lavur
8. Elecziuns: a) President
b) 1 commembers da suprastonza
9. Varia

Suenter la radunonza vegn offeriu in mudest refrestg. Tuttas commembras e tuts ommembers ein cordialmein envidai e beinvegni.

Corporaziun d'aua Spina da vin
Vossa suprastonza

Oz en biblioteca!

Praulas e historias cun Mats, la miur

Has ti gust da vegnir cun tia mumma ni cun in'atra persuna d'accumpignament en biblioteca e tedlar praulas ni historias?

Mats, la miur e nus dalla biblioteca raquintein a ti ina praula ord in cudisch da nossa valischa da surpresas e quei mintga gada il *secund venderdis* dil meins dallas 14.30 entochen ca. allas 15.30.

Nus selegrein zun fetg sin tei ...

Tgisà, forsa anflein nus mintgatun aunc enzatgei auter che mo cudischs en nossa valischa da surprasas!

Cun ils pli cars salids e sin seveser tochen gleiti.

Mats, la miur ed il team dalla biblioteca popolare Disentis/Mustér e contuorn

Termins: 8 da november, 13 da december 2013, 10 da schaner, 14 da fevrer, 14 da mars, 11 d'avrel, 9 da matg ed ils 13 da zercladur 2014